

միտք և պարարէին ոսկերք Յունաց ('ի 18—24—29 Յուն-վարի) :

Եւ այսպէս համարձակութիւնն Յունաց փոխեցաւ յան-դրգնութիւն . զի նոքա եւս սկսան թշնամանել և նախա-տեւ զագգն ըստ բնարոյս բարուց իւրեանց , կռփէին եւ հարկանէին զմիտարնս տաճարին Ս . Յարութեան , և ար-կանէին զհողս և զքարինս 'ի վերայ գլխոց նոցա : Տաղա-կացեալ միաբանաց 'ի խժդժութենէ աստի՛ աղաչէին ըզ-թէողորոս Պատրիարք ազատել զնոսս 'ի գերութենէ Յու-նաց . այլ նա սիրով և հայրաբար յորդորեաց զնոսս համ-բերութեամբ տանել նախատանաց , և մնալ 'ի տեղիս իւ-րեանց :

Յոյնք 'ի շինութեան Վերնատան և այլ տեղեացն Հայոց՝ փոխեցին և այլալեցին զձեւ և զկերպարան եկեղեցւոյն , և ոչ թողին տեղի խորանի և այլ կարեւոր իրաց , որպէս էրն յառաջագոյն՝ և ոչ շինեցին զսենեակս միաբանաց . քա-փանեցին զլուղարերից սեղանն եղեալ մոյթ յազթ և ստուար առաջի նորա , զի մի պատարադեսցեն անդ Հայք . նոյն-պէս և յայլ տեղիս , մինչ զի չճանաչել թէ իցեն սոքա վի-ճակք Հայոց : Արգելին և զլատինս 'ի պատարագեւոյ 'ի վե-րայ Գերեզմանին Բրիստոսի . զի նախ խոստացան թոյլ տալ զկնի թափօրի նոցին , այլ յետոյ ժխտեալ ընդգէմ կացին հակառակութեամբ և 'ի ձեռն Խոճաքեանին գրեւ ետուն Հէօճճէթ , որպէս թէ Տէրութիւնն տուեալ իցէ Յունաց զրովանդակ տեղիս տաճարին Ս . Յարութեան . եւ իրրեւ հանին զայն 'ի դատաստան սակա հաստատու-թեան , ոչ ընկալաւ զայն Միւֆթի քաղաքին . եւ զկնի մահուան նորին՝ վերստին հանին զայն գիր յատեան և ե-տուն կնքել դատաւորին , այլ նոր Միւֆթին և նախիպն տհաճութիւն ցուցեալ առ այն ոչ կամեցան հաստատել , եւ այնպէս խնդիրն մնաց թերի . զի մտադիր էր Խոճա-քեանն ձեւամբ իւրով յանձնել զտեղիս Յունաց ('ի 1—17 Մարտի) :

Թէողորոս Պատրիարք յառաջագոյն խնդրեալ էր 'ի Կու-սակալէն Դամասկոսի բառնալ զհակառակութիւնս Յունաց վասն Գերեզմանի Ս . Աստուածածնի և վասն պատկերաց և կանթեղաց Ս . Յարութեան . և նա գրեաց առ դատա-